

## **GALESIA**

### **Pepa Paulo ingere panzi kalo-tawana tamâta simo Galesia tâno**

*Galesia nde tâno tonje Rom ikatona, aku Juda tamâta rârâ simo ñinde. Paulo munğa imo Galesia tâno itula pâri ara panzi mbwani rua (Pâri Tamâta 13:51, 18:23), kala kalo-tawana tamâta ngu pinde simo ñinde. Andeta tamâta pinde simâ sipânga ku silele pâri ara ipânga kie tonje. Kinzi siporo tu mâsi ñana taponu muli pa ngua tukuņa kâ nde nzâla ñana tapânga ilonda mbâra-mbâra lâ Maro Kindeni nao. Andeta Paulo ingere ngua ñine panzi iporo kaika tu ñana nenda kalo-tawana nâ, ande Maro Kindeni ikai kindu piti lâ kondoma ilo. Nenda vetânga ara ikura tu iveta kindu tamo sondu lâ Maro Kindeni nao, ande tia.*

<sup>1</sup> Naņa pâri-tamâta Paulo. Kinzi tamâta ñalañala ñandai sipatea naņa kala apânga pâri-tamâta nga, aku tamâta tonje ñandai io naņa ñana alâ atula pâri ara nga. Yesu Kirisi aņa Tama Maro Kindeni, inani kala munğa ipaño Yesu lâ mateņa nianzi imandi imo via kilo, kinzi rua sipatea naņa ñana aveta wurâta ñine.

<sup>2</sup> Naņa amo taitu kunzi tamâta pinde uru siveta wurâta kuku naņa, kala aņgere ngua lâ pepa ñine tini imâ pa miki kalo-tawana tamâta kamo Galesia tâno.

<sup>3</sup> Kinda Tamânda Maro Kindeni anğa Maro Yesu Kirisi rua nenzi wisi-wisi wa wisi-pisi wa imâ pami.

<sup>4</sup> Yesu Kirisi iveta ikura Tamânda Maro Kindeni ne pateâņa mine, kala ipile tamwata ne via ku imâte ņana izavaru nenda kiesaka piti lâ tininda. Iveta mine ņana iyaute kinda piti lâ tâno ņine ne vetâņa potomule.

<sup>5</sup> Mine nde ara ņana kinda ma tapanea Maro Kindeni tasuka i ņa kâki ikura zo zo. Mao.

### *Pâri ara taitu nâ ikeno*

<sup>6</sup> Opopo, naņa ilonĝu kura tia ndo ņana miki nemi vetâņa kâ! Munĝani, Maro Kindeni isarâwa pami tu kakai Yesu Kirisi ne wisi-wisi ņinde. Andeta miki walele nâ kapu mulimi papa i, aku kamandi ņana kapaipa kuku pâri ara kie tonĝe.

<sup>7</sup> Anğa pâri ara ņinde nde pâri ara mao, ande tia ndo. Taitu tamâta pinde siveta ņana sizavaru ilomi kalomi. Kinzi situ silele Yesu Kirisi ne pâri ara ņinde ipâņa kaņa tonĝe.

<sup>8</sup> Andeta miki kalonĝo ņa; ambo maka warakama tâku samba ne aņelo tonĝe tâ ma katula pâri ara pami, andeta pâri ara ņinde ņandai rege-rege kuku pâri ara ņinde maka nanayoni katula pami, ande naņa ano pa Maro Kindeni tu i ma ikai tamâta iveta mine ku itambira ilâ yââ ņalae ne mbââ ilo, ma imo ņinde ku imo nâ.

<sup>9</sup> Maka munĝa kaporo ņgua ndainani nâ, kala ņine naņa atu aporo ņgua kaņa taituni kilo. Tamâta pinde uru situla pâri ara tonĝe pa miki, andeta pâri ara ņinde ņandai rege-rege kuku

pâri ara ñinde muŋga miki kakai lâ. Mine kala naña ano pa Maro Kindeni tu i ma itambiranzi tamâta ñinde silâ yââ ñalae ne mbââ ilo, ma simo ñinde ku simo nâ.

<sup>10</sup> Naña ñandai ilonġu tu kinzi tamâta ma ilonzi ara pa naña nga. Naña ilonġu tu Maro Kindeni nâ ma ilo ara pa naña. Aku naña uru aporo ŋgua mâru-mâru panzi tamâta, ande tia. Mao nâ, nia ndoyo naña uru aporo ŋgua mâru-mâru panzi tamâta. Andeta kalonġo nga; ambo vetâña ñinde ma ikeno pa naña yo, ande naña ma akura tu amo Yesu Kirisi ne wurâta tamâta mao, ande tia. Andeta apile vetâña ñinde marumbu lâ.

*Paulo parina ñana muŋga ipâŋga imo pâri-tamâta*

<sup>11</sup> Niŋgu-nambwe wukale, naña ilonġu tu miki ma kasama ŋgua ñine sondo ndo; pâri ara ñinde muŋga atula pami, ande tamâta nâ nenzi ŋgua, ande tia.

<sup>12</sup> Tamâta tonġe ñandai itula pâri ara ñinde pa naña nga, aku tamâta tonġe ñandai ipanana naña ñana nga. Yesu Kirisi tamwata itula pâri ara pa naña kala akai lâ.

<sup>13</sup> Miki kalonġo naña parinâŋgu lâ, ñana vetâña rârâ muŋga aveta ñinde. Miki kasama tu naña muŋga apono muli sondo ndo pa Juda nenzi mâsi wa ŋgua tukuña rârâni. Aku naña akai kazâña ñalae panzi tamâta ñinde kalonzi tawana Yesu, aku atogo ñana azavarunzi kâ.

<sup>14</sup> Naña muŋga amandi kaika ndo ñana asuka timbuma nenzi vetâña rârâni kâki, aku apolenzi

nawalângu Juda tamâta limoa rârâ ñana apono muli pa vetâña ñinde rârâni.

<sup>15</sup> Taitu nia ndoyo, lâ zo ñinde naña nana ipaguguana tia yo, ande Maro Kindeni ipatea naña lâ, aku ñana i ne wisi-wisi kâ, ande isarawa naña tu ma apânga i ne pâri-tamâta.

<sup>16</sup> Aku i ilo pateo tu ma itula tamwata natu Yesu Kirisi kilala pwataki pana, ñana naña ma akura tu atula i natu parina panzi tamâta lâ tinikoa ngu. Aku lâ zo ñinde Maro Kindeni itula Yesu Kirisi kilala pwataki pa naña, ande naña ñandai alâ akasonanzi tamâta pinde tu ma sipananana ñana pâri ara kâ.

<sup>17</sup> Aku lâ zo ñinde, naña ñandai akâki alâ pa Jerusalem lawea ñana aporo panzi tamâta ñinde simunga pa naña ñana simo pâri-tamâta. Lâ zo ndainani nâ, naña angenge ñana Jerusalem lawea aku amandi alâ pa nia bilimu tonje ikeno Arebia tâno. Aku muli nga ataulo alâ pa Damaskus lawea kilo.

<sup>18</sup> Mbwera ñato ilâ lâ, ñinennga akâki alâ pa Jerusalem lawea ñana aveta mete kuku Petero. Andeta naña amo songo tia; amo ndaina kuku Petero ikura sânda rua nâ.

<sup>19</sup> Lâ zo ñinde naña amo kuku Petero, ande naña aporo pa pâri-tamâta tonje, ande tia. Naporo pa Yamesi simbo nâ, ina nenda Maro Njalae Yesu tai.

<sup>20</sup> Kala ñine naña apaimi lâ Maro Kindeni nao tu ngua ñine kala angere lâ pepa tini, ande ngua mao kanaño.

<sup>21</sup> Naña amo kuku Petero lee marumbu lâ, ñinennga ataulo pa Siria tâno anga Silisia tâno

kilo.

<sup>22</sup> Lâ zo ñinde, kinzi kalo-tawana tamâta lâ Yesu Kirisi ne ngu ñinde simo Judia tâno, ande kinzi ñinde sizizâla ñana naña naonngu.

<sup>23</sup> Taitu siloño nawalanzi situ naña parinângu mine tu, “Tamâta ñinde kala muᅅga iveta kie sakamao pa kinda, ande kala zo ñine tamâtani ndaina uru itula pâri ara ñine kinda uru kalonda tawana. Taitu muᅅgani ikai wurâta ñana izavaru pâri ara ndainani nâ.”

<sup>24</sup> Kinzi siloño pâri ñana vetâña rârâni ñinde Maro Kindeni iveta pa naña, kala sipanea i ña.

## 2

*Kinzi pâri-tamâta pinde sio ilonzi ilâ taitu kuku Paulo*

<sup>1</sup> Naña amo lee, mbwera saᅅao kanaᅅo ñapa ilâ lâ. Ninenᅅga maka rua Banabas rua kakâki kalâ Jerusalem lawea kilo. Aku naña akai Titi iyoka kuma tona.

<sup>2</sup> Maro Kindeni tamwata itula pa naña mine tu naña ma alâ amo Jerusalem. Aku lâ zo naña amo Jerusalem, ande naña atula pâri ara panzi, pâri ara ndainani naña uru atula panzi tamâta simo lâ tinikoa ngu. Andeta naña ᅅandai aporo ᅅgua ñinde lâ tamâta rârâ naonzi ᅅga. Naña tiningu pwâka tu nanenᅅgu wurâta ñana atula pâri ara kâ ma ipâᅅga kaa nâ. Mine kala akainzi kalo-tawana tamâta mbâna-mbâna pinde kalâ pa nia ᅅgaᅅe, ᅅinenᅅga aporo ᅅgua panzi. Tamâta pinde uru siporo ᅅgua ᅅnanzî kalo-tawana tamâta ñinde mine tu, “Kinzi nde poe tamâta”.

<sup>3</sup> Titi imo kuku naŋa, aku i nde Grik tamwata, i Juda tamâta tia. Aku Yesu Kirisi ne kalo-tawana tamâta laŋeŋa pinde siporo kaika tu maka ma kave Titi karae, itogo Juda nenzi mâsi mine. Andeta maka kaveta mine tia.

<sup>4</sup> Kinzi kalo-tawana tamâta laŋeŋa ŋinde sipavea nâ ku simâ maka ŋginima. Kinzi sisama tu maka kaloma tawana Yesu Kirisi, aku kapile mâsi ŋana kaponu muli pa Juda nenzi ŋgua tukuŋa kâ, kala ilonzi tu silea pa nema vetâŋa. Ŋgua tukuŋa ŋinde nde itogo nimbu tonŋe muŋga Yesu Kirisi ipalalana piti lâ tinima, andeta kinzi ilonzi tu ma sio nimbu ŋinde ilâ ŋana isusu maka kilo.

<sup>5</sup> Andeta maka ŋandai kasâu pa nenzi ŋgua ŋana kave Titi karae ŋga. Maka kamandi kaika, aku kapu nenzi ŋgua rârâni ŋinde ndue lâ. Maka tinima pwâka tu ŋgua tukuŋa sinŋa ma imâ ikai Yesu Kirisi ne pâri ara nia. I ne pâri ara ŋinde nde mao kanaŋo, aku ŋine nde ŋana isuka miki ikura zo rârâni.

<sup>6</sup> Lâ zo ŋinde maka kapasau kunzi tamâta mbâna-mbâna ŋinde, ande kinzi sisenŋe ŋgua tonŋe lâ nanenŋu ŋgua, ande tia. Tamâta pinde uru siporo ŋgua ŋananzi tamâta mbâna-mbâna ŋinde mine tu, “Kinzi nde poe tamâta”. Andeta lâ naŋa warakâŋgu nâ ilonŋu, ŋgua ŋinde nde kaa nâ, ŋana tu Maro Kindeni ilo ŋana tamâta ŋanzi kâ, ande tia.

<sup>7</sup> Kinzi tamâta mbâna-mbâna ŋinde ilonzi kalonzi ipâŋga tu Maro Kindeni wurâta ilua naŋa ŋana atula pâri ara panzi tamâta lâ tinikoa ŋgu, itogo nanayoni i wurâta ilua Petero ŋana

itula pâri ara panzi Juda tamâta mine. Mine kala nenzi ngua tia.

<sup>8</sup> Mao nâ, Maro Kindeni walo kaika ilua Petero nana ma imo pâri-tamâta panzi Juda tamâta. Aku mine nâ, Maro Kindeni tamwata ne walo kaika ilua nana amo pâri-tamâta panzi tinikoa ngu.

<sup>9</sup> Tamâta pinde uru siporo ngua nana Yamesi, Petero anga Yoane mine tu, “Kinzi nde poe tamâta”. Andeta lâ zo nana tamâta nato ninde ilonzi kalonzi ipânnga tu Maro Kindeni io ne wisi-wisi imâ pa nana lâ, ande kinzi sitaño maka rua Banabas rua mbauma, aku sikaima togo ninzi-nambwe wukale mine. Ninennga kinzi wa maka wa kao iloma kaloma ilâ taitu, aku kapa ngua mine tu maka ma katula pâri ara panzi tinikoa ngu, anga kinzi ma situla pâri ara panzi Juda ngu.

<sup>10</sup> Kinzi siporo ngua taitu nâ pa maka rua mine tu, “Maka iloma tu miki rua ma kagona mbumbu nana kalanzi nawalânda kalo-tawana tamâta simo sugorai lâ Jerusalem lawea, itogo miki rua munnga kaveta mine.” Andeta nia ndoyo nana ilonngu pateva tu nana ma aveta vetânani ndaina.

*Paulo itula Petero ne vetânga soki pwataki*

<sup>11</sup> Andeta muli nga Petero imâ imo Antiok lawea ikura zo pinde, aku pa zo ninde nana amandi i tamwata nao aku ambita pâta kanaño, nana tu iveta vetânga soki ndo.

<sup>12</sup> Mao nâ, nia ndoyo iveta vetânga ara nana isanona ika kâpwa kunzi kalo-tawana tamâta lâ tinikoa ngu. Andeta muli nga, tamâta pinde lâ

Yamesi ne ngu simâ sipânga lâ, ninennga Petero itaulo pa Juda nenzi mâsi nana tininzi piti ndo nanzani tamâta lâ tinikoa ngu. I ne vetânga ninde nde duvi mine; iruru nanzani kalo-tawana tamâta ngu ninde uru sipaveta kuku Juda nenzi vetânga rârâni.

<sup>13</sup> Aku kinzi Juda ngu kalo-tawana tamâta rârâni kala sipono muli pa Petero ne vetânga lajeŋa ninde. Ninennga sisowe Banabas ilo kalo, ande kala iveta vetânga lajeŋa ndainani nâ kunzi tona.

<sup>14</sup> Naŋa amora tu kinzi nandai sipono muli sondo pa pâri ara ne ngua nga. Tia ku naŋa amandi kinzi rârâni naonzi aku apai Petero tu, “Noko nde Juda tamwata, andeta kupile Juda nenzi vetânga ku kupaveta kuku tinikoa ngu nenzi vetânga. Mine nde nana sâ kâ nga noko kuporo kaika panzi tamâta lâ tinikoa ngu tu ma sipaveta kuku Juda nenzi vetânga, a?”

*Ambo tamâta tonje kalo tawana Yesu, ande ipânga tamâta sondo ndo lâ Maro Kindeni nao*

<sup>15</sup> Ninennga naŋa apai Petero tu, “Kinda tinânda sipagugua kinda tapânga Juda laluna. Mine kala kinda nandai tamo tatogonzi ‘kiesaka tamwatanzi’ lâ tinikoa ngu.

<sup>16</sup> Aku kinda tasama tu ambo tamâta tonje ikai wurâta njalae nana ipono muli pa Mose ne ngua tukuŋa, ande vetânga ninde ikura tu iveta i ipânga tamâta sondo lâ Maro Kindeni nao, ande tia. Ambo tamâta tonje kalo tawana Yesu Kiriŋi, ande i ne kalo-tawana ninde nâ ikura tu iveta i ipânga tamâta sondo lâ Maro Kindeni nao. Aku



kinda kala mine nâ tao nenda kalo-tawana ilâ pa Yesu Kirisi lâ, nana tu kinda tasama nane; nenda kalo-tawana ninde iveta kinda tapânga tamâta sondo lâ Maro Kindeni nao. Kinda tapile nzâla nana toka Mose ne ngua tukuña muli, nana tu nzâla ninde ikura tu iveta tamâta tonge ipânga tamâta sondo lâ Maro Kindeni nao, ande tia ndo.

17 Kinda nenda kalo-tawana ikeno pa Kirisi, aku ilonda tu kalo-tawana ninde iveta kinda tapânga tamâta sondo lâ Maro Kindeni nao. Aku lâ zo nana kinda tapile nzâla nana toka Mose ne ngua tukuña muli, ande lâ ngua tukuña nao kinda tapânga tatogonzi kiesaka tamwatanzi lâ tinikoa ngu mine. Mine kala ma taporo mana; tiambo ma taporo tu 'Kirisi tamwata ilo tu iveta kiesaka ipânga nalae', tiya? Tia ndo kano!

18 Ambo nana ma apile nzâla nana ayoka Mose ne ngua tukuña muli, andeta muli nga nana ma apono muli pa nzâlani ndaina kilo, ande vetâna ninde ma itula pwataki tu nana nde kiesaka tamwatângu.

19 Nana tu Mose ne ngua tukuña io nana lâ nzâla ninde ilâ pa mateña kâ. Andeta nana ilongu tu aveta ikura Maro Kindeni ne pateâna mine, kala apile nzâla ninde marumbu lâ.

20 Ninde itogo nana amâte lâ kâi popole tini kuku Kirisi. Taitu kala nane akai via wasaseki lâ. Nana munga akai poe pa warakângu nenju via, andeta kala nane Kirisi imo ilongu, aku uru ikai poe pa nana. Kala nane nana kalongu tawana Maro Kindeni Natu, inani tini mwasa ndo pa nana kala ipile tamwata ne via ku imâte nana

ikai naŋa piti lâ kondoma ilo. Aku nanenŋu kalo-tawana ŋine uru igagati naŋa ilonŋu kalonŋu ŋana aveta vetâŋa ara lâ tâno kulu.

<sup>21</sup> Naŋa tiningu pwâka tu aveta Maro Kindeni ne wisi-wisi ipâŋga itogo kelekele kaa nâ mine. Kuloŋo ŋga; ambo Mose ne ŋgua tukuŋa ikura ŋana iveta kinda tapâŋga ilonda mbâra-mbâra lâ Maro Kindeni nao, ande Kirisi imâte koa tia nâ. Andeta tia.” Naŋa Paulo aporo ŋgua mine pa Petero.

### 3

*Mâsi ŋana toka ŋgua tukuŋa muli kê, anŋa mâsi ŋana kalonda tawana Yesu Kirisi kê*

<sup>1</sup> Miki Galesia tamâta ilomi kalomi sondo tia ndo! Tamâta ea iyaula nemi ilo-kalo, a? Naŋa muŋga atula Yesu parina pwataki pami lâ. Mine kala itogo miki warakami kamora Yesu itâra lâ kêi popole tini imâte.

<sup>2</sup> Naŋa atu akasonami kasonâŋa taitu nâ. Miki muŋga kaveta vetâŋa ndia ŋinenŋa Koroani Sapâŋa imâ ilomi, a? Tiambo miki kapaveta kuku ŋgua tukuŋa lâ, ŋinenŋa kakai Koroani Sapâŋa, tiya? Tia ndo! Miki kaloŋo Yesu ne pâri ara aku kalomi tawana lâ, aku kalo-tawana ŋinde nâ ikai nzâla piti pa Koroani Sapâŋa tu imâ pami.

<sup>3</sup> Miki nde kapa ndo! Nia ndoyo, lâ zo ŋinde nemi kalo-tawana ipâŋga wasaseki, ande Koroani Sapâŋa ne kaika uru isukami. Anŋa lâ zo ŋine miki katu warakami nemi kaika ikura tu isuka nemi via lâ tâno kulu, a?

<sup>4</sup> Malia pinde nde imâ ipângga pami lâ; tiambo malia ñinde isukami tia, a? Taitu nanenngu morâña tu malia ñinde nde isukami lâ.

<sup>5</sup> Mao nâ, Maro Kindeni ne Koroani Sapâña ilua miki lâ, aku uru iveta mâsi kaika rârâ ipângga ñginimi. Tiambo Maro Kindeni imora tu miki uru kapaveta kuku Mose ne ñgua tukuña, aku ñana duvi ñinde kâ iveta kie ara ñinde pami, tiya? Tia ndo! Miki kaloño pâri ara aku kalomi tawana, aku ñana duvi ñinde kâ iveta mine pami.

<sup>6</sup> Miki kalomi ñgere sondo ñana Abraham kâ. Maro Kindeni kawa ñgua ikeno lâ pepa tini mine tu,

“Abraham kalo tawana Maro Kindeni, aku ñana i ne kalo-tawana ñinde kâ, ande ipângga ilo mbâra-mbâra lâ Maro Kindeni nao.”

<sup>7</sup> Mine nde kaloño ñga; tamâta ea kalonzi tawana Yesu Kirisi, kinzi ñinde sipângga sitogo Abraham ne vâsa mao.

<sup>8</sup> Nia ndoyo Maro Kindeni ilo pateo tu tamâta pinde lâ tinikoa ñgu ma kalonzi tawana i, aku nenzi kalo-tawana ñinde ma ivetanzi sipângga tamâta sondo lâ i nao. Mine kala nanayoni Maro Kindeni itula pâri ara pa Abraham mine tu,

“ ‘Noko kalo tawana naña lâ, aku ñana duvi ñinde kâ naña ma aveta kenngu ara ndo panzi tamâta rârâni simo tâno ndoni.”

<sup>9</sup> Mine nde Maro Kindeni iveta kie ara nâ panzi tamâta ea kalonzi tawana i, itogo muña iveta pa Abraham, ina tamâta ñana kalo-tawana mao kâ.

<sup>10</sup> Taitu tamâta ea ilonzi tu nzâla ñana soka Mose ne ñgua tukuña muli nde nzâla ñana sipânnga tamâta sondo lâ Maro Kindeni nao, ande Maro Kindeni ma izavarunzi tamâta ñinde. Ñana tu i kawa ñgua ikeno lâ pepa tini mine tu,

“ Mose ingere ñgua tukuña lâ pepa tini ikeno lâ. Ambo tamâta tonje ñandai ipaveta mao kuku ñgua tukuña ñinde rârâni taitu-taitu ikura zo rârâni, ande Maro Kindeni ma izavaru tamâta ñinde.”

<sup>11</sup> Aku Maro Kindeni kawa ñgua tonje kala ikeno lâ pepa tini mine tu,

“ Tamâta ea kalonzi tawana Maro Kindeni, ande kinzi tamâta ñinde simo ilonzi mbârambâra lâ i nao, aku sikai via mao.”

Ñgua ñinde itula pwataki pa kinda tu ambo tamâta tonje itu ipono muli pa Mose ne ñgua tukuña, ande i ne vetâña ñinde ikura tu iveta i ipânnga tamâta sondo lâ Maro Kindeni nao, ande tia.

<sup>12</sup> Ñana tu mâsi ñana tapono muli pa Mose ne ñgua tukuña kâ, ande ikeno piti ndo ñana kalotawana ne mâsi. Maro Kindeni kawa ñgua ikeno lâ pepa tini mine tu, “Tamâta ea uru ipono muli mao pa ñgua tukuña rârâni ikura zo rârâni, ande tamâta ñinde ma ikai via mao.” Andeta tamâta tonje ikura tu iveta mine, ande tia.

<sup>13</sup> Andeta Kirisi ikai kinda niânda, aku Maro Kindeni izavaru i ndo lâ. Vetâña ñinde ne duvi nde mine; Maro Kindeni kawa ñgua ikeno lâ pepa tini mine tu, “Maro Kindeni ma izavaru tamâta ea itâra lâ kâi popole tini”. Aku ñana

Kirisi ne vetâña ñinde kâ, ande iyaute kinda piti lâ ñgua tukuña ne zavaruña.

<sup>14</sup> Muñgani Maro Kindeni ipa ñgua kuku Abraham tu i ma iveta vetâña ara tonje. Aku Yesu Kirisi ne mateña ikai nzâla piti panzi tamâta lâ tinikoa ñgu ñana vetâña ara ñinde ma ilâ pa kinzi tona. Mine kala ñana nenda kalo-tawana kâ, ande kinda takura tu takai Koroani Sapâña lâ ilonda, ikura Maro Kindeni ne ñgua pâña mine.

*Mose ne ñgua tukuña ñandai isoki ñgua pâña Maro Kindeni iveta kuku Abraham ñinde piti ñga*

<sup>15</sup> Niñgu-nambwe wukale, kala ñine naña ma aporo ñgua ñana kinda tamâta nenda mâsi tonje. Ambo tamâta rua ma singere ñgua lâ pepa tini ñana vetâña tonje ilonzi patea tu ma siveta, ande nenzi ñgua ñinde ipâña itogo ñgua pâña kaika mwasina, aku tamâta tonje ikura tu itoto nenzi ñgua ñinde tâku isenje ñgua tonje ilâ kuku ñgua ñinde tâ, ande tia.

<sup>16</sup> Nanayoni, Maro Kindeni ipa ñgua kuku Abraham tava i ne vâsa, ñana i ma muli iveta kie ara panzi. Maro Kindeni ne ñgua pâña ñinde nde ikeno lâ pepa tini tamora lâ. Maro Kindeni ipai Abraham mine tu, “Naña ma aveta kenju ara papa noko ne vâsa.” I ñandai iporo tu, “Naña ma aveta kenju ara panzi noko ne vâsa kinzi”, ande tia. Mine kala kinda tasama tu Maro Kindeni ñandai iporo ñananzi tamâta rârâ ñga. Iporo ñana tamâta taitu nâ, ina kala Kirisi.

<sup>17</sup> Nanenju ñgua ñine ne duvi ande mine; nia ndoyo Maro Kindeni ipa ñgua ndainani nâ kuku Abraham. Simo lee, aku mbwera 430 ilâ

lâ, ñinenğa Maro Kindeni itula ńgua tukuņa pa Mose. ńgua tukuņa nde ipâņga muli, taitu tukuņa ñinde ikura ńana itoto Maro Kindeni ne ńgua pâņa muņgâņa ñinde ku iveta ipâņga kaa nâ, ande ikura tia.

<sup>18</sup> Ambo mâsi ńana tapono muli pa tukuņa kâ ikura tu igagati Maro Kindeni ńana iveta kie ara pa kinda, ande i ne ńgua pâņa muņgâņa ñinde nde ipâņga itogo kelekele kaa nâ. Andeta tia. Kinda tasama tu Maro Kindeni muņgani ipa ńgua tu ma iveta kie ara pa Abraham, aku ńana i ne ńgua pâņa ñinde nâ, ande iveta vetâņa ndainani papa i.

<sup>19</sup> Ambo mine, ande Maro Kindeni itula ńgua tukuņa pa Mose ńana duvi mana, a? ńinde nde duvi mine; Maro Kindeni ilo tu tamâta rârâni ma sisama sondu tu kinzi nde kiesaka tamwatanzi. Mine kala iveta ne ńgua pâņa muņga lâ, ñinenğa itula tukuņa pa Mose tona ńana i ma itula panzi tamâta. I ipatea tu kinzi Juda tamâta ma sipono muli pa tukuņa ñinde lee, ikura lâ zo ñinde Abraham ne Vâsa ma imâ ipâņga, inani kala tamâta ñinde Maro Kindeni ne ńgua pâņa iporo ńana. Taitu kaloņo ńga; Maro Kindeni tamwata ńandai itula tukuņa ñinde panzi tamâta ńga. Itula ñinde panzi aņelo, ñinenğa kinzi kala situla papa kuleņa tamâta Mose.

<sup>20</sup> Andeta Maro Kindeni ne ńgua pâņa nde kelekele ńalae tina, ipole ne ńgua tukuņa, ńana tu Maro Kindeni tamwata iveta ńgua pâņa ñinde kuku Abraham. Tamâta tonđe ikai ńgua ñinde ku ilâ itula pa Abraham, ande tia.

*Ngua tukuņa ne wurâta nde ņana ikai kinda talâ pa Kirisi*

<sup>21</sup> Mine kala Mose ne ņgua tukuņa uru ikai kazâņa pa Maro Kindeni ne ņgua pâņa rârâni, tiya? Tia ndo kanaņo! Ambo Maro Kindeni muņa itu tukuņa kie tonģe panzi tamâta, aku tukuņa ņinde ikura tu via mao ilanzi, ande tamâta ea sipono muli pa tukuņa ņinde ma sipâņga ilonzi mbâra-mbâra lâ Maro Kindeni nao.

<sup>22</sup> Andeta tia. Maro Kindeni kawa ņgua ikeno lâ pepa tini mine tu, “Kiesaka nde itogo wâlo kaika mine ilitanzi tamâta rârâni marumbu lâ.” Mine kala Maro Kindeni iveta kie ara panzi tamâta ņinde uru kalonzi tawana Yesu Kirisi, ikura muņa ipa ņgua tu ma iveta mine.

<sup>23</sup> Muņgani, lâ zo ņinde nzâla ipâņga tia yo ņana kinda takura tu kalonda tawana Yesu Kirisi, ande Mose ne ņgua tukuņa ipa wâlo kaika lâ tininda. Kinda tamo mine lee, ikura lâ zo ņinde kalo-tawana ne nzâla ipâņga nia yo lâ.

<sup>24</sup> Mine kala ņgua tukuņa imo itogo nenda koipu muņģâņa mwasina, aku ne wurâta nde ņana ikai kinda talâ pa Kirisi. Mine kala ņana nenda kalo tawana kâ, ande kinda tapâņga tamâta sondo lâ Maro Kindeni nao.

<sup>25</sup> Aņga lâ zo ņine, ande ņgua tukuņa imo nenda koipu kilo, ande tia, ņana tu kalo-tawana ne nzâla nde imâ ipâņga lâ.

*Kinda nenda kalo-tawana iveta kinda tapâņga Maro Kindeni natu wukale*

<sup>26</sup> Miki kalomi tawana Yesu Kirisi, aku ɲana kalo-tawana ɲinde kâ Maro Kindeni iveta miki rârâni kapânga i natu wukale lâ.

<sup>27</sup> Muɲga, lâ zo ɲinde miki kakai lââ-liliɲa, ande miki kapaipa lâ taitu kuku Kirisi. Kala ɲine Kirisi kilala itura miki ndo lâ, itogo nemi pasawaɲa mwasina.

<sup>28</sup> Mine kala miki Juda tamâta wa miki tamâta lâ tinikoa ɲgu wa; miki tamâta uru kaveta wurâta koa tia nâ wa miki tamâta kamo ara wa; miki tamâne wa miki taine wa; miki rârâni kalonɔ ɲga. Lâ Maro Kindeni nao, ande miki rârâni kamo rege-rege nâ, ɲana tu miki kapaipa kuku Yesu Kirisi lâ, kala kamo ɲgu taitu.

<sup>29</sup> Miki kamo Yesu Kirisi ne ɲgu. Mine kala miki kamo Abraham ne vâsa tona, aku Maro Kindeni ma iveta kie ara ndainani nâ pa miki, ikura muɲga ipa ɲgua tu ma iveta pa Abraham mine.

## 4

*Yesu Kirisi ipalalana ɲgua tukuɲa ne nimbu piti lâ tininda*

<sup>1</sup> Miki kalomi ɲgere ɲananzi lâlu kiri-kiri. Muli ɲga lâlu ɲinde ma sikai tamanzi nenzi tâno wa kelekele ndoni. Andeta lâ zo ɲana kinzi simo lâlu kiri-kiri yo, ande kinzi simo rege-rege nâ kunzi tamanzi nenzi wurâta tamâta, kinzi ɲinde uru siveta wurâta koa tia nâ.

<sup>2</sup> Tamâta pinde uru sikai poe panzi lâlu kiri-kiri ɲinde, aku uru sikatona nenzi kelekele tona. Kinzi siveta mine lee, ikura lâ zo ndia tamanzi



sipatea tu natunzi ñinde ma sikai nenzi kelekele rârâni ñinde.

<sup>3</sup> Aku kinda kala tamo mine nâ. Muñga, lâ zo ñinde tamo tatogonzi lâlu kiri-kiri mine, ande ñgua tukuña kiri-kiri ñana tâno ñine ne vetâña kaa kaa nâ uru ikai poe kaika pa kinda.

<sup>4</sup> Kinda tamo mine lee, ñineña zo ipânga lâ, ikura Maro Kindeni ne pateâña mine. Aku lâ zoni ndaina, Maro Kindeni isupwa i tamwata Natu indue imâ imo tâno kulu. Ipânga tamâta mao, aku uru imo Mose ne ñgua tukuña kalo.

<sup>5</sup> I imâ ñana ipalalana ñgua tukuña ne nimbu piti lâ tamâta tininzi, ñana kinda rârâni ma tapânga tamo Maro Kindeni natu wukale.

<sup>6</sup> Maro Kindeni isupwa i Natu ne Koroani imâ imo ilonda lâ, aku vetâña ñinde itula pwataki tu miki kamo Maro Kindeni natu wukale. Aku Koroani Sapâña ñinde uru ipaño ilonda kalonda kala tata pa Maro Kindeni tu, “Mama, Mama”.

<sup>7</sup> Mine kala ñgua tukuña ma ikai poe kaika pa miki kilo, ande tia. Miki taitu-taitu kamo Maro Kindeni natu wukale. Mao nâ, miki nde Maro Kindeni natu wukale. Mine kala Maro Kindeni ma iveta kie ara pa miki taitu-taitu, itogo muñga ipa ñgua tu ma iveta panzi i natu wukale mine.

*Paulo kalo loko ñalae ñananzi Galesia kalotawana tamâta*

<sup>8</sup> Muñga, miki ñandai kasama Maro Kindeni kilala sonde ñga. Mine kala lâ zo muñgâña ñinde miki kamo tamâta ñana kaveta wurâta koa tia nâ panzi maro pinde. Andeta maro ñinde nde maro lajeña nâ.

9 Taitu kala ñine miki kapaipa kuku Maro Kindeni marumbu lâ. Andeta nanenġu ñgua ñine nde sondo tia, ñana tu Maro Kindeni ipaipa kuku miki. Mine nde ñana sâ kâ ñga miki ilomi tu kapono muli kilo papa ñgua tukuña kiri-kiri ñana tâno ñine ne vetâña kaa kaa, a? Ñana sâ kâ ñga ilomi tu kelekele sugorai ma ikai poe kaika pami kilo, a?

10 Opopo, miki uru kapaveta kuku Juda nenzi ñgua tukuña kiri-kiri ñana zo sapâña kie-kie wa kâña-nuña ne zo kie-kie wa, aku miki katu vetâña mine ma ivetami kapânġa tamâta sondo lâ Maro Kindeni nao.

11 Naña kalonġu loko ñalae tina ñana miki kâ! Tiambo nanenġu wurâta rârâni muñga aveta ñana avilami kâ nde ilâ kaa nâ, a?

12 Niñġu-nambwe wukale, muñga, lâ zo ñinde naña amo kumi, ande miki wa naña wa kalonda tawana tu ñgua tukuña ñandai ikura tu iveta kinda tapânġa tamâta sondo lâ Maro Kindeni nao. Naña ano pami tu miki ma kakai ñgua tukuña ne wâlo piti lâ tinimi kilo, ñana miki ma kamo ara, itogo naña uru amo mine. Muñga, miki ñandai kaveta vetâña soki tonġe papa naña ñga.

13 Kalomi ñgere sondo ñga; nia ndoyo, naña amo kuku miki tia yo. Ñinenġa pukoña ikai naña, aku pukoña ñinde ikai nzâla piti pana tu ma amâ atula pâri ara pami.

14 Lâ zo ñinde, nanenġu pukoña ñinde iveta malia ñalae ndo pami. Taitu miki ñandai kapu mulimi papa naña ñga, aku miki ñandai kasoki naña ñga. Miki kaveta vetâña ara ndo pana,

itogo vetâña ndia miki ma kaveta pa Maro Kindenî ne anjelo tonje tâku Kirisi tamwata tâku.

<sup>15</sup> Lâ zo ñinde, ande miki uru ilomi ara ku kamo kandeka nâ. Anja lâ zo ñine, ande nemi ndekâña ñinde ikeno ndia, a? Naña aporo ñgua mao kano; muña, lâ zo ñinde naña amo kumi, ande miki ilomi ñalae ndo tu kavila naña. Mine kala, ambo miki ma kakura tu kapasiki matami piti kalua naña ñana ivilana kâ, ande miki ma kaveta mine nâ.

<sup>16</sup> Mana mana, a? Naña uru atula ñgua mao nâ pami, aku ñana duvi ñinde kâ miki katu naña nde nemi kazâña tamâta, a?

<sup>17</sup> Miki kalonjo nga. Tamâta pinde uru sikai wurâta kaika ñana siporo ñgua kaña mona-mona pami ñana sisowe ilomi kalomi kâ. Taitu kinzi ilonzi tu sivila miki, ande tia ndo. Ilonzi tu miki ma kapu mulimi pa naña, aku kapono muli pa nenzi ñgua.

<sup>18</sup> Ambo tamâta tonje itu ivila miki sonde, aku ñana duvi ñinde kâ ikai wurâta ñana isowe ilomi kalomi kâ, ande ñinde ara. Mao nâ, ambo naña amo kuku miki tâku amo malawae ñanami tâ, ande vetâña kie mine nde ara ndo.

<sup>19</sup> Naña natunju wukale, naña ilonju malia ndo ñanami kilo, itogo taine ilo malia lâ pagugunja ne zo. Naña ma amo mine lee, ikura lâ zo ndia nemi kalo-tawana ma ilâ sonde ndo pa Kirisi.

<sup>20</sup> Naña ilonju ñalae tu amâ amo kumi. Ambo naña ma amo kumi, ande naña ma aporo ñgua

mwasa nâ pami. Oyae, naña kalonġu loko njanami!

*Hagar kuku Sara rua parinanzi*

<sup>21</sup> Miki tamâta pinde ilomi tu kamo Mose ne ngua tukuġa kalo. Ayo, miki tamâta nġinde kalonġo nanenġu ngua nġine sonġo nġa. Tiambo miki kazizâla tâ nana ngua tukuġa ne duvi, a?

<sup>22</sup> Maro Kindeni kawa ngua ikeno lâ pepa tini mine tu Abraham ipulianzi natu tamâne rua sipânġa. I kaiwa tonġe, i nâ mine Hagar, ande imo Abraham ne wurâta taine kaa nâ. Hagar ipagugua natu tamâne tonġe ipânġa, i nâ mine Ismael. Anġa Abraham kaiwa mao, i nâ mine Sara, ande i nandai taine nana iveta wurâta koa tia nâ. Sara kala ipagugua natu tamâne tonġe ipânġa, i nâ mine Isaka.

<sup>23</sup> Wurâta taine kaa nâ nġinde natu nde ipânġa lâ vetânġa kie taituni itogo kinda tamâta uru tapulianzi natunda mine. Anġa Abraham kaiwa mao nġinde natu nde ipânġa lâ vetânġa kie tonġe; Maro Kindeni muġgani ipa ngua kuku Abraham tu natu nġinde ma ipânġa, kala ngua pânġa nġinde ipânġa kanaanġo.

<sup>24</sup> Kala nġine naña ma atambira ngua lâ taine rua nġinde tininzi. Kinzi rua nde sitogo ngua pânġa rua. Hagar nde itogo ngua pânġa sinġa nġinde Mose ikai lâ Sinai tuu kulu, aku i natu wukale simo Mose ne ngua tukuġa kalo.

<sup>25</sup> Hagar nde itogo Sinai Tuu, tuu nġinde imandi lâ Arebia tâno. Aku mine nâ, lâ zo nġine, ande Hagar itogo Jerusalem lawea tona, nana tu Mose

ne tukuŋa uru ikai poe kaika panzi tamâta simo Jerusalem lawea ŋinde tona.

<sup>26</sup> Andeta Jerusalem lawea mao nde Maro Kindeni ne lawea ikeno âta ŋinde, aku kelekele tonŋe ŋana ikai poe kaika panzi tamâta simo lawea ŋinde, ande tia. Lawea ŋinde nde itogo kinda tinânda mwasina.

<sup>27</sup> Maro Kindeni kawa ŋgua ikeno lâ pepa tini mine tu,

“Noko taine niŋga, noko kundeka! Noko taine niŋga ŋai, nokoni ŋandai kusama pagugunŋa ne nâna, ande noko kusunŋa kawa kâki tava ndekâŋa nâ! Nana tu muŋga noko kaiwa tamâne ipileno ku ilâ lâ, andeta noko ma kupaguguanzi natu rârâ, aku kambwanŋenzi ma ipole taine ŋinde natu kambwanŋenzi, ina kala kaiwa tamâne imo kuku yo.”

<sup>28</sup> Niŋgu-nambwe wukale, miki kamo katogo Isaka mine, ŋana tu Maro Kindeni muŋga ipa ŋgua tu miki ma kamo i natu wukale.

<sup>29</sup> Muŋga, ande Abraham natu Ismael, ina kala ipânŋa itogo natunda uru sipânŋa mine, ande ikai kazâŋa papa Abraham natu Isaka, ina kala Koroani Sapânŋa ne walo iveta ipânŋa lâ. Aku lâ zo ŋine, ande kinda kala tamora vetânŋa mine nâ.

<sup>30</sup> Miki kalomi ŋgere sondo ŋana Maro Kindeni kawa ŋgua ikeno lâ pepa tini. Muŋga, ŋgua imâ pa Abraham mine tu, “Kusoki wurâta taine kaa nâ ŋinde tava i natu silâ. Wurâta taine natu ikura ŋana ikai tama ne kelekele pinde, itogo i kaiwa mao ŋinde natu ma muli ikai, ande tia.”

<sup>31</sup> Mine nde ninggu-nambwe wukale, kinda tasama tu kinda nandai tatogonzi wurâta taine kaa nâ ninde natu wukale nga. Kinda tatogonzi Abraham kaiwa mao ninde natu wukale.

## 5

*Kinda ma tamo piti ndo nana ngua tukuņa ne nimbu*

<sup>1</sup> Kirisi ilo tu kinda ma tamo tininda soo nâ. Mine kala ipalalana ngua tukuņa ne nimbu piti lâ tininda marumbu lâ. Ayo, miki kamandi kaika, aku kapu mulimi panzi tamâta ea ilonzi tu Mose ne ngua tukuņa ma ikai poe kaika pami kilo!

<sup>2</sup> Miki kalonjo sondo nga. Nana Paulo warakângu apaimi tu ambo miki ilomi tu karaveņa ne mâsi ma ivetami kapânga tamâta sondo lâ Maro Kindeni nao, aku nana duvi ninde kâ miki ma kasâu panzi Juda tamâta tu ma sive karaemi, ande Kirisi ne mateņa ma ikura nana ivilami tia ku tia ndo.

<sup>3</sup> Nana aporo ngua kaika pami kilo mine; tamâta ea isâu panzi Juda tamâta tu ma sive i karae, ande tamâta ninde imo ngua tukuņa ndoni kalo.

<sup>4</sup> Miki tamâta ea uru kapaveta kuku Mose ne tukuņa, aku nana nemi vetâņa ninde kâ miki katu ma kapânga tamâta sondo lâ Maro Kindeni nao, ande miki tamâta ninde kapatâpa warakami piti ndo lâ nana Kirisi kâ, kala kapu mulimi pa Maro Kindeni ne wisi-wisi marumbu lâ.

<sup>5</sup> Anğa maka kaloma tawana Kirisi, aku Ko-roani Sapâña uru isukama ñana kao tinima ñana zo muli kâ, lâ zo ñinde Maro Kindeni ma iporo tu maka kamo iloma mbâra-mbâra lâ i nao.

<sup>6</sup> Tamâta ea kinzi sipaipa kuku Yesu Kirisi lâ, kinzi ñinde sisama mine; lâ Maro Kindeni nao, ambo tamâta tonje ikai karae-veña ne mâsi lâ tini tâku tia tâku, ande ñinde nde kelekele kaa nâ. Taitu kalonjo nga; ambo tamâta tonje kalo tawana Kirisi, aku ne kalo-tawana ñinde igagati i ñana tini mwasa ndo panzi i tini pinde, ande vetâña taituni ñinde nde vetâña mao.

<sup>7</sup> Munğa miki uru kao nemi kalo-tawana ilâ sondo ndo pa Kirisi. Anğa tamâta ea ipono nzalami, kala kapu mulimi pa Maro Kindeni ne ñgua mao kâ, a?

<sup>8</sup> Vetâña mine ñandai iyoka pa Maro Kindeni imâ nga, ñana tu Maro Kindeni uru isarâwa pami tu kalâ kamo kuku i.

<sup>9</sup> Miki kalomi ñgere sondo nga. “Yisi tini mwata ikura ñana ipundia puroña ndoni.” \*

<sup>10</sup> Andeta Maro Nalae ipu tini kaika pa naña, kala kalonju tawana tu miki ma koka mulingu, aku ma kapu mulimi pa karae-veña ne mâsi. Tamâta ea itu iyaula ilomi kalomi ñana kelekele ñinde kâ, ande naña asama tia. Taitu naña asama tu Maro Kindeni ma ipare nia pa tamâta ñinde.

<sup>11</sup> Niñgu-nambwe wukale, tamâta pinde silâñe ku siporo tu naña uru atu ñgua kaika

---

\* **5:9** 9 Ngua siâña ñine nde duvi mine; tamâta taitu nâ ne vetâña soki ikura ñana iyaula tamâta rârà ilonzi kalonzi.

panzi tamâta nana ma sikai karae-veña ne mâsi lâ tininzi. Andeta kalonjo nga; ambo nana ma aporo ngua kana mine, ande kinzi Juda tamâta ma sikai kazâña pa nana tia. Ambo nana ma asâu nana karae-veña ne mâsi kê, ande kinzi Juda tamâta ma wisinzi nana kilo nana ngua nana Yesu ne matera lâ kê popole tini kê, ande ma tia. Andeta nana nandai asâu nana mâsi ninde nga.

<sup>12</sup> Kinzi tamâta ninde uru sizavaru ilomi kalomi. Mine nde ikeno pa kinzi warakanzi; ambo situ sipaive warakanzi karaenzi, ande ara nana ma sipaive karaenzi ndoni!

<sup>13</sup> Ninggu-nambwe wukale, miki kalonjo nga. Maro Kindeni munğani ipateami nana ma kamo piti ndo nana ngua tukuña ne nimbu kê. Taitu miki ma ilomi mine tu, “Ara, mine nde maka ma kapaveta kuku ilo-kalo sinğa ne vetâña kilo”, mine ndimo. Ara nana miki taitu-taitu ma kao ilomi ndo ilâ panzi kalo-tawana tamâta, aku kaveta vetâña ara nâ panzi nana isukanzi kê.

<sup>14</sup> Ngua tukuña taituni nâ inzuku Mose ne ngua tukuña rârâni. Ngua tukuña ninde nde mine; “Noko ma tini mwasa panzi tini pinde, itogo noko tini mwasa pa tamwata mine”.

<sup>15</sup> Miki kapakatona sondu nga! Miki uru kapambita wa kakai kazâña potomule lâ warakami nğinimi, itogo ngoa ngoi uru siveta mine. Ambo miki ma kapile mâsi ninde tia, ande ma kapayaula warakami ndo lâ.

*Koroani Sapâña ne vetâña, anğa ilo-kalo sinğa ne vetâña*



16 Naŋa apaimi tu ambo miki ma kapaveta kuku vetâŋa ndia Koroani Sapâŋa itula pami ikura zo zo, ande miki ma kakura ŋana kapaveta kuku ilo-kalo siŋga ne vetâŋa potomule, ande tia.

17 Kinda tasama tu ilo-kalo siŋga uru ikai kazâŋa pa Koroani Sapâŋa, aku Koroani Sapâŋa kala uru ikai kazâŋa pa ilo-kalo siŋga mine nâ. Kinzi rua uru sipara ku simo nâ. Mine kala vetâŋa ndia miki ilomi patea tu kaveta, ande miki kakura ŋana kaveta vetâŋa ŋinde, ande tia.

18 Andeta kalonjo ŋga; ambo Koroani Sapâŋa uru ikai poe pami, ande ŋgua tukuŋa ne wurâta ikeno ŋana ikai poe pami, ande tia.

19 Miki kasama lâ ŋana ilo-kalo siŋga ne vetâŋa kê. Ilo-kalo ŋinde uru igagatinzi tamâta ŋana siveta vetâŋa potomule kie-kie mine; vetâŋa ŋana sipalulua tininzi potomule kê, aŋga vetâŋa sakamao kie-kie,

20 aŋga vetâŋa ŋana sipaneanzi maro lanjeŋa kê, aŋga vetâŋa ŋana siveta nzâmbe sakamao kie-kie kê, aŋga vetâŋa ŋana sikai kazâŋa panzi tininzi pinde kê, aŋga vetâŋa ŋana sipawa ŋgua kê, aŋga vetâŋa ŋana sipadâda kê, aŋga vetâŋa ŋana wisinzi nâna kê, aŋga vetâŋa ŋana sipasuka warakanzi tininzi kê, aŋga vetâŋa ŋana sipwa pwapwataki kê,

21 aŋga vetâŋa ŋana ilonzi yosi kê, aŋga vetâŋa ŋana sinu lââ kaika ku sidauda kê, aŋga vetâŋa ŋana sitara kawanzi pakâe-pakâe potomule kê, aŋga vetâŋa kie-kie mine. Munga naŋa aporo ŋgua pami, kala ŋine aporo ŋgua kaŋa ŋainani kilo; tamâta ea kinzi uru siveta

vetâña kie mine, ande kinzi tamâta ñinde ma sikura tu simo Maro Kindeni ne ñgumbi ilo, ande tia.

<sup>22</sup> Taitu Koroani Sapâña uru iveta ilo-kalo ara tava vetâña ara ipânga lâ ilonda kalonda. Ñinde itogo Koroani Sapâña ipula kanaño ipânga lâ kinda nenda via mwasina. Vetâña arara ñinde, ande mine; vetâña ñana tininda mwasa ndo panzi tininda pinde kê, anga vetâña ñana ndekâña kê, anga vetâña ñana wisinda pisi kê, anga vetâña ñana wisinda nâna walele tia kê, anga vetâña ñana kalonda sukâña ñananzi tamâta kê, anga vetâña ñana taveta kenda ara panzi tamâta kê, anga vetâña ñana taveta ikura nenda ñgua pâña mine kê,

<sup>23</sup> anga vetâña ñana tamo mwasa nâ kunzi tamâta kê, anga vetâña ñana tapu mulinda pa vetâña potomule kie-kie kê. Ñgua tukuña tonje indi kaika ñana vetâña kie mine, ande tia.

<sup>24</sup> Tamâta ea kinzi kalonzi tawana Yesu Kiri, kinzi ñinde rârâni sipile ilo-kalo siŋga ñinde marumbu lâ. Ñinde itogo kinzi sipu ilo-kalo siŋga ñinde lâ kâi popole tini imâte lâ.

<sup>25</sup> Koroani Sapâña via mao ilua kinda lâ. Mine nde ara ñana kinda ma taponu muli pa vetâña ndia Koroani Sapâña ipatea pa kinda.

<sup>26</sup> Kinda ma tapasuka warakânda tininda ndimo. Aku kinda ma taveta vetâña pinde panzi ninda-nambwe kalo-tawana tamâta ñana iveta wisinzi nâna kê, mine ndimo. Aku kinda ma tapadâda ndimo.

## 6

### *Kinda ma taveta vetâña ara nâ panzi tamâta*

<sup>1</sup> Andeta niŋgu-nambwe wukale, miki kaloŋo ŋga; ambo miki kasama tu nawalami kalo-tawana tamâta tonje iveta kiesaka, ande ara ŋana miki tamâta ea Koroani Sapâña uru ikai poe pami ŋinde ma naomi mwasa nâ kavila tamâta ŋinde ŋana katu ne vetâña sakamao ŋinde sondo kâ. Taitu miki warakami taitu-taitu ma kapakatona sondo ndo. Tia ma Sadana ikai samâña pami, aku miki kala ma kaveta kiesaka tona.

<sup>2</sup> Ara ŋana miki ma kavilanzi nimi-nambwe kalo-tawana tamâta ŋana sikale nenzi malia kâ. Ambo miki ma kaveta mine, ande nemi vetâña ŋinde ma iyoke Kirisi ne tukuña.

<sup>3</sup> Ambo tamâta kaa tonje ipasuka tamwata tini, ande tamâta ŋinde ipalâŋe nâ.

<sup>4</sup> Ara ŋana kinda taitu-taitu ma talea sondo pa warakânda nenda vetâña. Ambo tamâta tonje ne vetâña nde ara, ande i ma ikura tu indeka ŋana i tamwata nâ ne vetâña. Andeta wurâta ikeno pa kinda ŋana talea pa tamâta tonje ne vetâña, ande tia,

<sup>5</sup> ŋana tu wurâta ikeno pa kinda rârâni taitu-taitu ŋana tapakatona warakânda nenda vetâña.

<sup>6</sup> Ambo tamâta tonje uru ipanananzi ŋgu pinde ŋana Maro Kindeni kawa ŋgua, ande ŋgu ŋinde ma sivila nenzi pananâña ŋinde, aku ma kelekele ara pinde silua.

<sup>7</sup> Miki ma kapalâŋe warakami ndimo. Tamâta tonje ikura ŋana ikai laŋeja pa Maro Kindeni

tia ndo. Kaniņa vâsa ndia noko kupau lâ tâno ilo, ande tâno ñinde ma ipulia kaniņa ndainani nâ.

<sup>8</sup> Aku mine nâ, tamâta ea kinzi uru tininzi mwasa pa ilo-kalo siŋga kala soka muli, ande ñinde itogo kinzi sipau vetâņa kiesaka lâ ilonzi kalonzi, aku muli nga vetâņa ñinde ma io kanaņo sakamao, aku kinzi tamâta ñinde ma sipayaula ndo. Anņa tamâta ea kinzi uru tininzi mwasa pa vetâņa ara ndia Koroani Sapâņa ilo papa, ande ñinde itogo Koroani Sapâņa io kanaņo ara ndo lâ ilonzi kalonzi. Kanaņo ara ñinde nde via mao, ñana ma simo vianzi mine ku simo nâ.

<sup>9</sup> Mine kala kinda ma takai wulitia ñana taveta vetâņa ara kâ ndimo. Ambo kinda ma tamandi kaika ñana taveta vetâņa ara kâ, ande muli, lâ zo ndia Maro Kindeni ipatea lâ, ande kinda ma takai vetâņa ara ñinde ne kulu, itogo takai kâpwa lâ tâno ilo mine.

<sup>10</sup> Mine kala lâ zo ndia kinda takura tu taveta vetâņa ara pinde panzi tininda pinde, ande ara ñana ma taveta mine nâ. Ambo kinda ma taveta vetâņa ara mine panzi ninda-nambwe kalo-tawana tamâta, ande ñinde ma ara ndo.

*Paulo indeka ñana Kirisi ne mateņa lâ kâi popole tini*

<sup>11</sup> Kala ñine naņa Paulo warakâŋgu mbaunġu anġere ŋgua ñaina lâ pepa tini imâ pami. Aku miki kamora nanenġu ŋgerenņa mâsi ñine ipâŋga ñalae.

<sup>12</sup> Miki kaloņo ŋga. Kalo-tawana tamâta laņenņa pinde ilonzi tu ma simo tamâta ara ndo

lâ Juda tamâta njaŋala naonzi. Mine kala kinzi uru siporo n̄gua kaika pami tu miki ma kakai karae-veŋa ne mâsi lâ tinimi. Kinzi nenzi vetâŋa n̄inde ne duvi nde mine; ambo kinzi ma situla n̄gua tu, “Yesu ne mateŋa lâ kâi popole tini iveta kinda tapâŋga tamâta sondo lâ Maro Kindeni nao”, ande kinzi Juda tamâta njaŋala ma sikai kazâŋa panzi. Aku tininzi pwâka tu kazâŋa mine ma ipâŋga panzi.

13 Kinzi kalo-tawana tamâta laŋeŋa n̄inde warakanzi n̄andai sipaveta sondo kuku Juda nenzi n̄gua tukuŋa n̄ga, andeta ilonzi tu miki ma kakai karae-veŋa ne mâsi lâ tinimi. Ambo miki ma kaveta mine, ande kinzi ma sikura n̄ana sipasuka warakanzi tininzi.

14 An̄ga naŋa ma apandekâna warakâŋgu, ande tia, aku ma apanea tamâta ton̄ge wa vetâŋa ton̄ge, ande tia ndo. Naŋa ma andekana ku apanea nenda Maro Yesu Kiriŋi simbo nâ n̄ana i ne mateŋa lâ kâi popole tini. Naŋa kalon̄gu tawana i, aku n̄ana duvi n̄inde kâ apu muliŋgu pa tâno n̄ine ne ilo-kalo wa vetâŋa marumbu lâ, aku tâno n̄ine ne kelekele ikura tu ilele ilon̄gu kalon̄gu kilo, ande tia.

15 Ambo tamâta ton̄ge ma ikai karae-veŋa ne mâsi lâ tini tâku tia tâku, ande n̄ine nde kelekele kaa nâ. Taitu miki kalon̄go n̄ga; ambo Maro Kindeni ma ilele tamâta ton̄ge ilo kalo, kala ipâŋga itogo tamâta wasaseki ndo, ande vetâŋa mine nâ nde kelekele mao.

16 Maro Kindeni ne kalo-sukâŋa tava ne wisi-pisi imo kunzi tamâta ea sipono muli pa

nanenġu ŋgua ŋine. Kinzi tamâta ŋinde nde simo Maro Kindeni ne ŋgu mao.

<sup>17</sup> Naŋa tiningu pwâka ndo tu tamâta tonġe ma malia ilua naŋa kilo. Tamâta pinde muŋga sikai kazâŋa pa naŋa, ande kala nzimba nia kie-kie nde ikeno tiningu. Aku nzimba nia ŋinde itula pwataki tu naŋa amo Yesu ne wurâta tamâta mao.

<sup>18</sup> Niŋgu-nambwe wukale, nenda Maro Njalae Yesu Kirisi ne wisi-wisi imo kuku miki rârâni. Mao.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 28 Dec 2024 from source files dated 31 Aug 2023

b3b81168-89df-5bc3-8b0c-cf72ef93d3de